



ज्ञाजलपा वाऱ्वा

JWOJALAPA NEPALBHASA WEEKLY

दै: ६ ल्या: १२ पूर्णाङ्क: ६४

ने. सं. ११३५ यंलागा सप्तमि आइतवा: २०७२ आश्विन १७ गते आइतवार (Oct- 4, 2015)

मू: ५/- (न्यातका)

यैय् वृहत्त बौद्धिक सम्मेलन क्वचाल नेपाःयात बहुराष्ट्रिय राज्य यायेमाःगु माग

श्रीकृष्ण ज्यापु

नेपाःया न्हूगु संविधान समस्या समाधानया विषयात कया सहलह ब्याकेगु नापं निष्कर्ष पिकायेगु कथं शनिवा: यैय् तःजिक वृहत्त बौद्धिक सम्मेलन याःगु दु । यै जिल्ला विकास समितिया अनामनगरय् च्वंगु हलय् याःगु उगु ज्याभ्वलय् न्हापांगु संविधानसभाय् सहमति जूगु विषय, राज्य पुनर्संरचना समिति तयार याःगु प्रस्ताव, आयोग तयार याःगु प्रस्ताव नापं आ: स्वंगू दलया स्वम्ह नेतातय्गु चाहना कथं हःगु न्हूगु संविधानया बारे कया ब्यापक रुपं सहलह ब्याकूगु खः । न्हूगु नेपाःया नितिं बौद्धिक पेशाकर्मी गठबन्धन आइपानया ग्वसालय् जूगु संघीय समाजवादी पार्टीया सहअध्यक्ष राजेन्द्र श्रेष्ठया मूपाहांसुइ जूगु उगु कथंया सम्मेलन भिंगू बुँदाया घोषणा पौ तकं जारी याःगु दु । प्राध्यापक कृष्ण हाङ्गेथु,

लोकेन्द्र विष्टमगर, सुरेन्द्र महतो व सिताराम अग्रहरी ब्यागलं ब्यागलं कथंया ज्यापौ न्हयब्वया पत्रकार, वकिल, इन्जिनियनिसं थीथी बौद्धिक ख्यःया सत्याम्ह व्यक्तित्वपिन्सं सहलह ब्याका निष्कर्ष पिकासं भिंगू बुँदाया घोषणा पौ जारी याःगु खः । उगु घोषणापतिइ पहिचान मदुगु न्हूगु संविधान जनतायात भंगलाना हःगुलिं प्रतिगामी संविधान जूगु ठहर यानागु दु धका: न्हयथनातःगु दु । अथे हे राज्यया पुनर्संरचना भौगोलिक आधारय् जक प्रदेश निर्माण याना प्रदेशयात न्यूनतम अधिकार जक बिया केन्द्रीकृत शासन प्रणालीया प्रशासनिक इकाईया रुपय् स्थापना यायेत स्वःगु दु । अले अविशिष्ट अधिकार केन्द्रय् तःगु दु । प्रदेशयात गुगु नं हालतय् विघटन यायेफइगु निरंकुश व्यवस्था दुगुलिं थ्व संघीयताया मान्यता कथं

मखुगुलिं न्हूगु संविधान माने याये फइमखु धका: नं बुँदाया रुपय् न्हयथनातःगु दु । अथे हे न्हयगू प्रदेशया सिमाडकनय् २ नम्बर प्रदेश बाहेक मेगु फुक्क प्रदेशय् आदिवासी जनजाति, मूलवासीपिन्त अल्पमतय लाका: खस ब्राम्हण क्षेत्रीयगु जक बहुमत दइगु कथं सिमाडकन जूगु । थुकिं याना केन्द्रय् जक मखु प्रादेशिक तहया सरकारय् नं ब्राम्हण क्षेत्रीय हे यकःति कथंया वर्चस्व कायम जुइगु व मेपिं जनजाति, मधेसी, दलितत हाकनं नं बहिस्करणय् लाइगु जूगु दु । थज्वःगु असमावेशी चरित्रया संविधानप्रति थ्व सम्मेलन असहमति जाहेर याइ धका: उल्लेख यानातःगु दु । उगु हे कथं भाषा व नागरिकताया माध्यमं थ्व संविधान देशया जनतायात निगू कथंया नागरिकय् ब्वथला विउगु दु ।



खस नेपाली भाषी समुदाय प्रथम दर्जाया नागरिक व आदिवासी जनजाति, मधेसी व दलितयात दोस्रो दर्जाया नागरिक कथं व्यवहार याःगु दु । न्हूगु संविधान भाषिक जातीय व क्षेत्रीय समानताया आशा यानाचर्चपिं जनतायात भंगःलाना हःगु थुगु संविधानयात घोर विरोध याइ धका: नं च्यातःगु दु । घोषणा पतिइ संघीयताया सर्वमान्य सिद्धान्त कथं नेपाःयात बहुराज्यया रुपय् परिभाषित यायेमाःगु थासय् थ्व संविधानं

एकात्मक व्यवस्थाय् थें हे राज्यया व्याख्या याःगु दु । थ्व दुःखद खँ खः । संघीय राज्यया मान्यता कथं नेपाःयात बहुराष्ट्रिय राज्य घोषणा यायेमाः धका: माग यानातःगु दु । उगु हे कथं तःताजि भाषा, तःताजि जाती व क्षेत्रीय विविधता दुगु नेपाःया यथार्थता खने दुगु समावेशी चरित्रया संविधान व वहे कथं पहिचानया आधारय् राज्यया पुनर्संरचना जुइमाःगु माग तया मधेसी, थारु लगायत आदिवासी जनजातितय्सं देय्या थीथी थासय् याना वयाच्वंगु

संघर्षयात सरकारं निर्ममता पुर्वक दमन यायेत स्वःगु दु । सरकारया थ्व निरंकुशतायात थ्व सम्मेलनं घोर विरोध याइ व याकनं वार्ताया माध्यमं समस्याया समाधान यायेत माग यानागु जुल धका: नापं थीथी खँन्हयथनातःगु दु । थुगु कथं नेपाःया बौद्धिक ख्यःयापिं व्यक्तित्वपिन्सं हे न्हूगु संविधानयात प्रतिगामी धका: ठहर याःगु दुसा पहिचान सहितया संविधानया माग तकं याःगु खने दु ।

वइगु मोहनीया इलय् पिथनीगु भिनिदँया प्याखं
गं मखाःगु अले सप्तमातृका द्यःपिं दुथ्याःगु प्याखं



गथु प्याखं
(गं मखाःगु प्याखं)

किपूया म्हसीका पिब्वयाच्वंगु

किपूया गौरव, गथुतय्सं क्यना वयाच्वंगु थुगु प्याखंया दर्शननिसं
प्याखंया विशेषता दुथ्याःगु
सफू पिदनेत्यंगु दु

लं च्वनादिसँ.....

सफुतिइ दुथ्याःगु विशेषता

- प्याखंया नां
- सप्तमातृकाया प्याखं
- सगं काइगुया महत्व
- गंगां प्वःसः मकाइगु
- प्याखं क्यनीगु थाय् व ई
- द्यः सालाः हइगु
- घंगलीया महत्व
- ख्वाःपाःया विशेषता
- ख्वाःपाः मपूसे प्वःसः काइगु
- सिना हाकनं म्वाना हाकनं सीगु



ज्ञानबहादुर महर्जन

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

सम्पादकिय

सरकारया नितिं हाकनं बहुमतिय खेलय् वनेत्यन राजनीति

ता ई न्हयवर्निसें सत्ता साभेदारी दल कांग्रेस, एमाले नाप नापं प्रमुख प्रतिपक्ष दलया दथुइ सहमति यायां न्ह्या: वना मेपिन्सं अस्वीकार या:सां संविधान जारी या:गु ख:सा आ: वया इमि दथुइ हे सहमितयात त्वा:थला बहुमतिय खलय् वनीगु संकेत खने दयाव:गु दु ।

कांग्रेस व एमालेया दथुइ न्हूगु संविधान वये धुंका: एमालेयात सरकारया नेतृत्व याके बिइगु धका: भद्र सहमति जूगु ख:सां आ: उकियात कांग्रेस अस्वीकार याइगु अवस्था खने दयाव:गु दु । एमालेया अध्यक्ष केपी शर्मा ओली स्वयं हे आ: यक्व खेल जूगुलिं सहमतिया आधारय् मखुसे न्हूगु सरकार बहुमतिय आधारय् गठन जुइगु अवस्था वल धायादीगु नापं कांग्रेसया बरिष्ठ नेता शेर बहादुर देउवां राष्ट्रपतिनिसें प्रधानमन्त्रीया सवालयात कया तकं सहमति जूगु थ:म्हं मस्यु धयादीगुलिं नं स्पष्ट रुपं कांग्रेस व एमालेया दथुइ हे सहमति कथं मजूसे आ: बहुमतिय खेल कथं वनेगु नितिं थ:थगु तयारी यात धका: धायेफइगु अवस्था दु ।

छेखे संविधान घोषणा याना कार्यान्वयन हे याये मलायेकं संविधान संशोधनया प्रस्ताव यायेमा:गु अवस्था मेखे सरकार तकं बहुमतिय खेलय् वना गठन याइगु अवस्थाय् नेपा:या राजनीति हाकनं छक: तरल अवस्था वइगु अले न्हूगु संविधान कार्यान्वयनया सवालय् न्ह्यस: ब्वलनीगु अवस्था वइ धका: धायछिं ।

आ: नं ला:नि शासकत



सानुराजा शाक्य

छें दुनेया ल्वापु छें दुने हे मज्यंकल धा:सा उकिइ ज:लाख:लां म्हिती धइगु चरितार्थ हानं प्रमाणित जुल । थ:गु हे देस दुनेया मधेसी व थारु स:यात उपेक्षा याना: स्वंगू दलया मठाधीस नेतासं गुकथं संविधान हया: धका: माक: फुई याना: च्वन उकिया लिचव: गुलि भयानक जुइ धइगुया ट्रेलर शुरु जूगु दु । मक्काय् भूतयात अप्पां कयेक: वपिं मुस्मा धर्मालम्बीत ब्याय् वंवल्य जूगु हताहतय् दु:ख: पंकीम्ह नेपा:या प्रधानमन्त्री नं संविधान जारी यायेगु इलय् थ:पिनिगु स: नं संविधानय् दुध्याका: बिउ धका: शान्तिपूर्ण आन्दोलन मार्फत स: त:पिं मधेसी जनतायात गोलीं कयेका: स्वंगू दर्जनं मल्याक थ:गु हे जनताया ज्यान वन नं समवेदना तकं जारी यायेम्बा:म्ह प्रधानमन्त्री व नेतात दुगु देस नेपा: ख: । थ:गु छें दुनेया ल्वापुयात मज्यंकुसे जारी यागु संविधानयात भारतं लसकुस मया:गुजक मखुकि संयुक्त राष्ट्र संघं तकं नं लसकुस या:गु मदु । नेपा:या नितिं फुक्क देसं लसकुस यात तर भारत व संयुक्त राष्ट्र संघं लसकुस मयातले थ्व मेमेगु देसं या:गु लसकुसया खास हे सार्थकता दइमखु । भारत व संयुक्त राष्ट्र संघं समर्थन मया:गु थ्व संविधानया हविगत जुजु वीरेन्द्र शान्ति क्षेत्र नेपाल धा:गु प्रस्ताव थें जू वन । जुजु वीरेन्द्र नेपालयात शान्ति क्षेत्र धका: त:गु प्रस्तावयात भारत बाहेक फुक्क धइथें देसं समर्थन या:सां नेपा: शान्ति क्षेत्र मजू । अखतं शान्तिक्षेत्र नेपालय् हे छयालीस सालया जनआन्दोलन जुया: जुजु वीरेन्द्रया सर कारं हे आन्दोलनय् ब्व:ति कयाच्यपिं नेपा:मितयत गोलीं कयेका स्यात । सठचालिसया राजनीतिक परिवर्तन धुंका: जुजु वीरेन्द्रया शान्ति क्षेत्र नेपाल गन तना वन गन तनावन । स्वंगू दलं ह:गु थ्व संविधानयात मधेसी, थारु,

मग:तसैं आन्दोलन याना: हे असहमति प्वांकल । मेमेगु आदिवासी जनजातिसैं नं छिटपुट आन्दोलन मार्फत थ्व संविधानप्रति अपनत्व काये मफइगु धारणा प्वांकुंका: नेपा:या त:धंगु हिस्सां थ्व संविधान प्रति असहमति कयनाच्वंगु सन्दर्भयात छिमेकी देय् भारतं संविधान फुक्क समुदायया सहमति दइगु कथं जारी या: धइगु स्वंगू दलया नेतायत बिउगु सुभावायात वेवास्ता याना: संविधान जारी जुइवं उज्व:गु संविधानप्रति भारतं लसकुस मया: धका: भारतयात ब्व: वियाया छु अर्थ दत ? थुकथं संविधान जारी जुइधुंका: भारतयात म्हितेगु मैदान दयेका: बिउपिं थ्व हे स्वंगू दलया मठाधिस नेता हे जूसैलि उकिया लिचव:या सामना याये मखु धयां जिइ ला ? पंचायतया समर्थन याकेत जुजु महेन्द्र भारतनाप सन् १९६५ या सन्धी या:गु ल्वमंके मजिउ । उम्ह जुजुयात हे नेपा:या राष्ट्रवादी जुजु धका: कठित राष्ट्रवादीतसैं थ:गु हिरो धका: काइपिं अभं ल्यं दनी । वर्तमान स्वंगू दलया नेतातसैं भारतया हे सहयोग कया: बाह्रबुँदे सहमति या: बलय् उमिगु नितिं भारत दकलय् सत्तिम्ह मित्र जुल । थौं व हे भारतं नेपा:या त:धंगु समुदाययात बहिष्कार याना: संविधान जारी यात धा:सा नेपा:या नितिं सुखद जुइमखु धका: बिउगु सुभावायात हस्तक्षेप तायेका उगु सुभावायात चुनौति बिया: संविधान हसैलि लिचव: सुखद जुइ धका: कल्पना यायेगु बेकार हे ख: । भारतया प्रत्यक्ष सहयोगं तत्कालिन अवस्थाय् सशस्त्र जनयुद्ध यानाच्वंगु माओवादी व कांग्रेस एमालेया दथुइ गुगु सहमति जुल व सहमति जायज खनीपिसं थौं मधेस व थारु आन्दोलनया भवलय् मधेसी थारुत नापनापं आन्दोलनय् सहकार्य यायेत्यवल्य थारुत मिलेमजुलधा:सा संस्थापन शासकतय् सत्ता भचा अप्व: ताहाक न्ह्याइगु रणनीति अन्तर्गत मधेसी व थारुत नापं जाना: आन्दोलनयात अभं अप्व: उत्कर्षय् यंकेत्यंगुयात स्यंकेत भारत दुध्या:गु हल्ला याना: छेखे मधेसी व थारुतय् भारतया पक्षधर कथं कयना: मधेसी व थारुतय् छथाय् मतयेगु अले मधेसी व थारु धइपिं राष्ट्रवादी

मखु कथं प्रस्तुत यायेगु चाल म्हितेत्यंगु ख: । थुकथं चाल म्हितीपिं धइपिं महेन्द्रवादी व भारतया विरोधी कयना: थ:गु पक्षय् जनमत सालेत सफल जूपिं नेपा:या कम्युनिष्टत ख: । तर थ्व हे कम्युनिष्टत सत्ताय् वनेधुंका: गुकथं भार तथा गुलाम जुल धइगु इतिहास पुलां जूगु मदुनि । पैतालिस छयालिस सालय् भारतं नेपालय् जूगु नाकाबन्दी अन्तत: कांग्रेस व कम्युनिष्टतय् छपं याना: पंचायत व वीरेन्द्रयात क्वछुके धुंका: तिति नाकाबन्दी फुकुवा जुल । उबले नाकाबन्दी जूबले नाकाबन्दीयात कया: कांग्रेस व कम्युनिष्ट पार्टीं भारतया विरोध मया: अखतं थ्व नाकाबन्दीयात हतियार दयेका पंचायत क्वथलेत छयल । थौं अवस्था करीव करीव उज्व:गु कथं हे खनेदुगु दु । कांग्रेस कम्युनिष्टया नितिं जूगु पंचायतकालीन नाकाबन्दी थौं मधेसी व थारु समुदाय नं थ्वयेकूगु स:यात गोलीं जवाफ बिया: जनहत्या यायेवं ब्वलंगु परिस्थिति गुकथं तराई अशान्त जुल उकिया कारणं भारतं शान्तिसुरक्षायात न्यथना मालवाहक गाडीत नेपा:पाखे छवया हयेगु ज्याय् कडा यात गुकिं याना: छगू कथं नाकाबन्दीया हे लू खनेदुगु ख: नेपा:या नितिं परिस्थिति संकटपूर्ण अवस्थाय् वनाच्वंगु दु । थ्व संकटयात ज्यंकेगु नितिं शासकतसैं रूचिपूर्वक पहल मयात धा:सा मित्र शक्ति राष्ट्र तकं दुध्याये धुंकेगु थ्व समस्याया कारणं नेपा:या अखण्डतायात हाथ्या ब्वलनीगु संकट याकनं वइ । थ्व अवस्थाय् भारतयात ब्व:विया: समस्या समाधान जुइगु जूसा नेपा:या हविगत थ्व अवस्थाय् थ्यनी मखु जुइ ।

भारतं धोका बिल धका: चीनं सहयोग याइ धका: भारत तम्ब:सां तम्बयेके बिउ धका: च्वनधा:सा स्थिति अभं अप्व: विस्फोट जुइ । नेपा:या नितिं मा:गु सामानया आपूर्ति चीनं हया: समस्या समाधान जुइगु भौगोलिक अवस्थाय् नेपा: मदु । उखें थुखें ब्याय् ब्याय् वन: लुफि हायेका भारतया बार्गेनिङ्ग पावर अप्वय न्ह्य: आन्दोलनरत थ: हे जनतानाप क्वछुइत तयार जुइपिं शासकत जक सफल जूगु इतिहास दु । मधेसी व थारुतय् आन्दोलनया समाधान मयासे खोक्रो राष्ट्रवादया बकालत याना: भार तनाप टक्कर कयां थ्व समस्याया समाधान जुइगु स्वयां नेपा: व नेपा:मि जनतां दैं दैं तक दलदलय् लाइगु समाधान बुद्धिमत्तापूर्ण जुइमखु ।

स्रोत: नेवा: अनलार्थन

ज्ञानबहादुर महर्जन नेवा:या हाइकु साहित्य/हाइकु

७ मधेश बन्द
अधिकारया नितिं
सरकार रव ?

८. टेलिफोन वै
हथासं ल्हवना न्यने
आखिर बलफ कल

९. थौकन्हे थन
मखुगु खँ ल्हायेगु
मोबाइल हैं

१०. न्हापाया पिनिं
सुला:सुला: जुइमा:
नाप लायेत

११. गजा:गु ई थ्व
क्वथां क्वथां ब्वसीगु
वैस जायेवं

१२. ख्वये मस:म्ह
हाले मस:म्ह धैम्ह
छुं हे म्वा:म्ह का

मुक्तक ज्ञानीराजया

मुक्तक निपू

६. नुग:या घा: याना वंम्हस्याँ छु सी
मतिना छु धैगु, मति मदुम्हस्याँ छु सी
खुसि वा वया चुइका यन मतिनाया छें
गथे याना निस्वनागु चुइका यँम्हस्याँ छु सी !

७. तापाक्क ख: छ, तर जित ल्व:मंके मते
जिगु ख्वा: ल्व:मसां मतिना ल्व:मंके मते
म्हाइपुगु इ: भीगु ल्व:मंका छवया बिउ
न्ह्याइपुगु ई त गुब्बें हे ल्व:मंके मते !



ज्ञान ब. महर्जन 'नेवा:'

किपुलिइ जनकलाकारपिं रायन व रामेशयात हन गुज्ये मालाकारया “म्याउँकी म्याउँ” भिसिडी लोकार्पण



इन्द्रेणी सांस्कृतिक समाज किपूलिं जनकलाकारपिं रायन व रामेशयात हना ज्याभ्वः नापं नच्चाह कलाकार रफेला

इन्द्रेणी सांस्कृतिक समाज किपूलिं जनकलाकारपिं रामेश व रायन श्रेष्ठपिन्त छगु ज्याभवःया दथुइ किपुली हन ।

मिहगः किपूया मंगल उच्च मा.वि.या मल्टिपरपोज हल्यु इसास किपूया नायः वीरप्रसाद भन्सारीया नायोसुइ जूगु उगु ज्याभवः म्येहालामि दीपा महर्जनं न्ह्याकादीगु खः ।

उगु ज्याभवलय् रायन, रामेश, शान्तदास मानन्धर, वन्दना शर्मा, रामकृष्ण दुवाल, गुज्ये मालकारपिं पाहाँकथं मञ्चय भ्वायादीगु खः । लोकह्वाःगु म्ये “गां गामं दनाः वा”या च्वमि श्याम तमोट नं भ्वायादीगु खः । अथे हे गीत संगीतप्रति आस्थादुपिं यक्वसें ब्वति कयादीगु उगु ज्याभव स्वघौल्याः तक न्ह्यातं नं सहभागीपिन्सं छफुति हे म्हाइपु मतायकु ।

इसास किपूया उपाध्यक्ष दिलिप महर्जनं सकसितं लसकुसयासें रायन

श्रेष्ठया जीवनी बारे कनादिल । रायन श्रेष्ठया वास्तविक नां नारायण भक्त श्रेष्ठ, वयकः २००० साल भाद्र १९ गते ओखलढुंगाया जन्मय् जुयादीम्ह, वयकःया बाज्या सच्छिदै न्ह्यः खपं ओखलढुंगाया भ्वायादीम्ह खः । वयकः मचानिसें हे संगीत व प्रगतिशील साहित्य ल्हाः न्ह्याकादीम्ह खः धकाः कनादिल । रेडियो नेपालय् २०२३ सालनिसें छुं दै तक ज्या यानादिल पारीजातया नेतृत्वय् २०२४ सालय् राल्फा समूह गठन यानादिल । वयकलं लोकह्वाःगु सिम्मा प्याखं च्वया दबुलि क्यनेगु ज्या जुल । देय्या यक्व हे गांगामय् वनाः जनतायात निरंकुश व्यवस्थाया विरुद्ध थनेत जनवादी म्ये व प्याखं क्यनेगु यानादिल । अथे हे रामेशया जीवनी बारे सचिव अशोक भन्सारीं न्ह्यब्वया दिल । रामेश्वर श्रेष्ठया जन्म २००१ साल तानसेन पाल्पा ओखलढुंगाया जन्मेजूगु खः । संगीत क्षेत्रय् मचानिसें हे

मन क्वसाम्ह वयकलं जनवादी म्ये व संगीतया माध्यमं निरंकुश पंचायती व्यवस्थाया विरुद्ध जनतायात थनेगु निंति गां गामय् भ्वाया जनतायात सचेत यानादिल । अनं लिपा वहे ज्याभवलय् गुज्ये मालाकारया याकः संगीतय् तयारजूगु “म्याउँ कि म्याउँ” नांया भिसिडी सम्मानित जुयादीपिं निम्हसें नं मंकाः उलेज्या यानादिगु खः । व भिसिडीया म्ये “म्याउँकी म्याउँ” राराहिल स्कुया नच्चाह विद्यार्थी रफेला महर्जनं हाला न्येकल । अथेहे मंगलयापिं न्याम्ह विद्यार्थीपिन्सं नं म्ये न्यंकूगु खः ॥ गुज्ये मालाकारया बारे रानीशोभा महर्जनं न्यंकादिगु खः । उगु म्येचा दुनेया शब्द संयोजन बारे शान्त दास मानन्धरं व संगीतया बारे रामकृष्ण दुवालं समिक्षा यानादिगु खः । सभा नायः विरप्रसाद भंसारीं वयकःपिनिगु योगदानया कदरयासें इसासं सम्मान यानागु जानकारी बियादिल ।

पाँगाय् अन्तरराष्ट्रिय ज्येष्ठ नागरिक दिवस हन

ज्वजलपा सम्वाददाता/

१४ आश्विन २०७२ अर्थात् १ अक्टोबर २०१५या दिं संयुक्त राष्ट्र संघ अन्तरराष्ट्रिय ज्येष्ठ नागरिक दिवसकथं हनाः वयाच्वंगु खः । उगु दिनय् थीथी कथंया ज्याभ्वः याना जेष्ठ नागरिक दिवस हना वयाच्वंगु खः । ज्याथः ज्याथीपिन्त हनेगुनिसें थीथी कथंया ज्याभ्वः याना उगु दिवस हनीगु खः ।

ध्वहे दिया अवसरय् पाँगाया न्हूगु ज्येष्ठ नागरिक क्लब पाँगाया ग्वसालय् पाँगा लाछिइ ज्येष्ठ नागरिकपिनिगु भेला याना अन्तरराष्ट्रिय ज्येष्ठ नागरिक दिवस हन ।

उगु ज्याभवलय् सुप (शहरी गर िवहरुको लागि समाज) व लुमन्ती (आवासको लागि सहयोगी समूह) या नं ग्वाहालि दुगु खः ।

न्हूगु ज्येष्ठ नागरिक क्लब पाँगाया सचिव अर्जुन महर्जनं ज्याभवः न्ह्याकेगु भवलय् सकसितं लसकुस यानादिसं धयादिल, “संयुक्त राष्ट्र संघं थीथी समूहयात थें ज्येष्ठ नागरिकपिन्त नं सम्मान व वयकःपिनिपाखें न्हूगु पिढीयात थःगु अनुभव इनेमाःगु बिचाः याना ज्येष्ठ नागरिक सम्बन्धि व्यवस्था

यायेत सन् १९९१ निसं अक्टोबर १ तारिखया दियात अन्तरराष्ट्रिय ज्येष्ठ नागरिक दिवस हनेगु याना वयाच्वंगु खें कनादिल ।

उगु ज्याभवलय् सुपया प्रतिनिधि व कि.न.पा.या कर्मचारी ज्ञानबज्र महर्जनं ज्येष्ठ नागरिकपिन्त भिन्तुना देछासें सामाजिक सुरक्षा भत्ता कयाच्वपिं सकसितं भुकम्प पिडीत कोषपाखें छुं राहत दयेमा धकाः म्हातिं रु.३०००/ धेवाया ग्वाहालि कथं युनेस्को नं ग्वाहालि ब्यूगु धेवा सम्बन्धित बैक खाताय् जम्मा जुइगु जानकारी बियादिल ।

सहजकर्ताया रुपय भ्वायादीम्ह लुमन्तिया प्रतिनिधि गुहेश्वरी श्रेष्ठ भीसं सिइकं चायेकं बांलागु ज्या यायेगु व याउँकं जीवन हनेत सहजिकरणया लागि छेंजः व समाजय् बांलागु व्यवहार व बांलाःगु चालचलनं ज्या यायेमाःगु बारे यक्व हे उपमा बिया ज्ञानया खें कनादिल । क्लबया अध्यक्ष इन्द्रमान महर्जनया उपस्थिति सकसितं भोला छपाः छपाः उपहार बिया पालं नं याकुगु खः । यक्व हे छलफल याना न्ह्याइपुक न्हिं छयाय् दयाः ज्येष्ठ नागरिकपिं लय्ताःगु खनेदु ।

किपूया न्हापांगु पत्रिका लूनिभाःपाखें ल्हयया

४२ दै न्ह्यः पिदंगु चिनाखं

स्वां

नरहरि महर्जन

सूर्य ज्योति पुस्तकालय, पाँगा

आहा ! गुलि बांलागु स्वां

स्व स्वं हे मगागु स्वां

खं खं हे यइपुसे च्वंगु स्वां

छक तिजक थिला व स्वां

ऋतु अनुसारया विभिन्न स्वां

आहा ! गुलि बास्ना वगु स्वां

खं खं पिनि ल्वःवंगु स्वां ।

स्वाँया बास्नां मोहित जुया

स्वर्गया सुर्खो लोभित जुया

थ्वय्थें थ्वय्थें याना जुल

स्वाँया रस कायेगु स्वल

तिजक धर्ती धर्ती सुरु सुरु वया

स्वाँया रस स्व स्वं जुया

आकाशे च्वना वें थें सना

तिमिलाया ल्यू ल्यू जुया,

संसारया जुजु जुया

जः ब्यु ब्यु ब्याँय् जुया

हरेस न नं ख्वया जुया

स्वाँया बास्ना कायहे मफया ।

भमःया रुप कया ब्वया

रसया लोभं चाः चाःहिला

स्वाँ स्वाँ पतिकं दिना दिना ...।

(चिनाखँय् बांलागु) – ने. सं. १०९३ या मोहनिया लसताय नेपालभाषाया साहित्यिक मुना पौ लूनिभाः किपूया न्हापांगु पौ ज्ञानवहादुर महर्जन सागाः नं पिथना दीगु खः । पुलांगु साहित्य लुमंके कथं थन च्वसुत न्ह्यब्वया च्वना । न्हापा भीथाय् नेपालभाषां च्वइपिं यक्व दुगु खनेदु । आः उलि खनेमदु । सायद थःगु च्वसु पिथनेगु ह्वताः मदया जकं खःला ? थ्वहे खँयात वा :चायेका ज्वजलपा वा:पौ नं साहित्य विद्याः दुध्याका यंकेगु आजु च्वनागु जुल –संपादक

च्याक्वःगु बौद्ध संगीत जागरणया ज्याभ्वःया

सुचं

वंगु बैशाख १२ गते ज्ञानमाला भजन जुयाच्वंगु इलय् तःभुखाय् ब्वया उगु दिया च्याक्वःगु बौद्ध संगीत जागरण ज्याभ्वः दिकेमाःगु सकलसिनं सिउगु हे खं खः । थ्व हे २०७२ आश्विन १ गते ग्वसाः खलः व व्यवस्थापन समितिया मंकाः मुज्यां उगु दिनाच्वंगु ज्याभ्वः थ्व हे २०७२ आश्विन २३ गते शनिवाः किपूया नयाँ बजारय् च्वंगु कृष्ण क्याटरिडया हलय् सुथसिया १० बजेनिसें यायेगु निर्णय जूगुलिं सम्बन्धित सकलसित उपस्थितिया नितिं थ्व सुचं पिथनागु जुल । उगु ज्याभवलय् न्हापा थेंतुं गाक्व सहभागीता जुया ज्याभ्वःयात ऋःऋः धायेक क्वचायेकेगु नितिं छिकपिनिगु सदभावया अपेक्षा यानाच्वना ।

व्यवस्थापन समिति

च्याक्वःगु बौद्ध संगीत जागरण ज्याभ्वः, किपू

किपुलिं पिदनाच्चंगु ल्वःकंह्वाःगु नेपालभाषाया ज्वज्वलपा वा:पौ
हाकनं पिदंगुलिं निरन्तरताया कामनायासैं

भित्तुना ! भित्तुना !! भित्तुना !!!



ज्वजलपा वा:पौ

कृष्णवहादुर महर्जन नयाँबजार किपू-३	इन्द्रलाल महर्जन फिट टेलर्स नयाँबजार, किपू-३	महेन्द्र महर्जन एम.आर.टेलरिंग सेन्टर नयाँबजार किपू-३	मनिष शाक्य शाक्य ज्वेलर्स नयाँबजार, किपू -३
कृष्णभक्त महर्जन कृष्ण क्याटरिंग नयाँबजार, किपू-१७	नरेन महर्जन खासीबजार, किपू -५	स्वराज कृषि सहकारी संस्था लि. नयाँबजार, किपू -१७	चन्दन स्टोर नयाँबजार, पाँगा रोड . किपू-१७
वीरप्रसाद भन्सारी गुतपौ किपू-४	अशोक भन्सारी गुतपौ किपू-४	प्रदीप महर्जन भन्याँपुखुसी किपू-४	सिजन महर्जन चिलंचो, किपू-४
केशमुनी बज्राचार्य चिलंचो, किपू-४	बज्रमुनी बज्राचार्य चिलंचो किपू-४	नारायण महर्जन गःछैं, किपू-२	नन्दकुमारी महर्जन प्राचार्य जनसेवा उच्च मा.वि. किपू-१२
विष्णुवहादुर महर्जन नेवारी खाजा घर शहिदपथ, किपू-९	पंचलाल महर्जन क्वय्ना किपू-१४	राममान सिंह टाउनप्लानिंग, नयाँबजार किपू-१७	हिरा डंगोल नगां, किपू-१६
विश्वराज महर्जन नगां, किपू-१६	बेखाराम महर्जन नगां, किपू-१६	पार्वती महर्जन नगां, किपू-१६	दिलिप महर्जन नगां, किपू-१६
राम महर्जन नगां, किपू-१६	नविन महर्जन बाकुननीं, किपू-१	मधुराम श्रेष्ठ ध्वाखासीं, पाँगा किपू-९	विकास महर्जन ध्वाखासीं, किपू-९

नेपालभाषाया उपन्यास कीर्तिलक्ष्मी



—वासुपासा

न्हसच्चा

दक्षिणस धनवन्त काजी पूर्वस मानवीर व पच्चिमस मकरसिंह चाकलिं च्चंना चिचि पाचागु देमाचात पति सासा भिभिं नसा त्वंसा ज्वलं तयाव दुविस्ता खँल्हा बल्हा याना च्चँनिइ । मकर सिंह नं छकु वाकु काकां ननं “धन्य काजी” धका खँ थ्वकिइ । “काय म्प्याच न्हाप जुउगु लस्तास” धका देमाचस च्चंगु छगु वाकु थमं नं नइ । मेगु छु लस्ता ? काजिं मानवीर व मकर सिंहया ख्वाल स्वया च्चँनिइ अले मानवीर मकर सिंह, मकरसिंहं नं मानवीरया ख्वाल स्वयाव मुसुमुसु न्हिला च्चँनिइ । नुगलस दुगु खँ तछ्चाना धया दिस रे । नुगलेतुं खँ मुंका तया दिये मतेरे धया देमाचास च्चंगु छकू बाकू कया नइ । माया पिरति जुल, न्हिले वइगु जुल, अले मुसु वइगु जुल, थ्व तोपुयां तोपुये फइमखु काजि । मतिना यायेगु धयां जुइगु मखु अथेहे जुइ । जुजु ज्ञानप्रजाया नुगलया व छिम्ह म्प्याचया नुगलपा निपां छपा जुइ धुंकल । मिसा पुचल व मिज पुचलया परीक्षणं जुजु नं विवाह थ्वया नापहे याये धका कोल जिकल । थ्व हे लसताया खंजुल काजि । भपि धकाव देमाचा क्यंना कया दिसं काजि धका थम्हं नं छु भचा नइ । जिमिगु भित्तुना कयादिसँ धकाव धाइ अले धनवन्त काजि लयतापह वयेकाव धिमे थायेगु गन गन ताइनाइ या ताईं ताईं धिमे मथायेकं ताइनाइ न्याइला छु काजि ? धका मानवीरं धाइ । धनवन्त काजि ग्वाच निइकाव मुसुक्क न्ह्लिइ “कीर्ति लक्ष्मीया भाग्य छिर्कीर्पनिगु हे ल्हाहातसका धका देमाचास च्चंगु छकू कया म्हुतुस तइ ।” आव जिमिगु ल्हाहातस मखु जुजु ज्ञानप्रजाया ल्हाहातस “धका मकर सिंहं धाइ । अले दथुस वया मकर सिंहं “मि पुया मिच्याये धुंकल थुलचा छाय सुचुकेगु ? जुजुं उजं जुगु खँ धयादिसँ मानवीर काजी” धका ल्हाहापा पुइकाव मानवीर यात क्यँनिइ । अले मानवीरं “थ्व खँ बाँलाक्क उलेत भपेसिधयेके निं माल, भपादिसँ मुसुमुसु न्हिला धनवन्त काजिं हे देमाचा ल्ह्वना क्यँनिइ । उथास लाक्क छम्ह मयजु वहया ज्वाला २ च्चंगु अति ज्वंना वगु खँनिइ ।

“त्वँनेगु धयागु कोदलेत मखु दँनेत जुयेमाव काजि ! थौया दिनस मत्वंसा गुवेले त्वँनेगु, भचा भपा दिसँ” मानवीरं धाइ ।

आकाभाकां कीर्तिलक्ष्मी दुहां वयाव ब्वा ! दाइचा थौ चोभालस वँनेगुहं हुं धायेगुला ? कोथास धनवन्त काजि याके न्यँनिइ काजिं हुंधा धका धाइ । मयजु भी जुजुं छन्त धायेके हल धका मकरसिंह धाये वं खइका, धकाव न्यासे चाचां लिहां वँनिइ । का स्वया दिसँ थुइपितं छेस्क दयेवं गा । म्प्याय् मयजु कीर्तिलक्ष्मी ‘खुसिजुया लिहां वँन । आ जिमिसं जुजुयात छु धका विन्ती यायेगु काजि, धकाव मकरसिंहं ल्हाहा ब्वब्व स्याइ । छगु हे देसया माहांनायो अले जुजुया दथुस हताल जुइला ? उकिसनं जुजुयात म्प्यायमचा विइगुलिसं । जिउ धयादिसँ । तर,

विवाहया सम्बन्धस परजाया दबुलिं जिउ मजिउ धायेके माव मखुला ? धका न्यँनिइ । परजा दबुलिस थ्व खँ मतसे यायेगु धयागुला खँ हे मदु धका मकरसिंहं धाइ ।

“याये मयाये धयागु खँ जक मखु, याकनं याये माल धका धनवन्त काजि हथास चाइ !”हथास चाये मजिउ काजि, जुये मावगु जुहे जुइ । आव सिरपा वियेगु उत्सव नं सिधयेके माल नि” धका मानवीरं धाइ ।

“वला खव” धाइ धनवन्त काजिं । “व खँला सिधल” अले थ्वले थ्व अन्तिया ज्या सिमधवनि । अले स्वँम्हसिनं खोला छ्कोलं ल्ह्वना म्हुतुसिस दिकाव स्वीइत साला भोपुइकिइ ।

च्याद्या

सिरपा ईनेगु दबुलिस अन अपालं ध्वजा पताका ब्वयेका छायपा तइ अन भाइपिं काजिपिं व मेपिं हँने बहपितं बांलाक्क फेतुकेगु व्यवस्था याना तइ ।

सपल थुंना, सँचिका तया ख्वालस कौलं वुया हाकु पतासि ह्याउंगु पुतुलं, तुपु जनिख छ्चोल पाछाया मिजं पह वयेका उखे थुखे च्चंना च्चपिं मिसात अथेंतुं अन तपुलिं पुया, लं सुरुवाल न्ह्यना जनिख चिना च्चपिं ल्यायम्हत व अले अन मेपिं ज्याथ जिथिपिं नं खने दया च्चँनिइ । काजिपिं व मेपिं हँने बहपिं थव थवगु थासे च्चंना च्चँनिइ । दबुलिस धनवन्त काजि, मानवीर, मकरसिंहपिं च्चंना च्चँनिइ । दबुलिया क्वसं सिरपा काइपिं कीर्तिलक्ष्मी, वीरनरसिंह, विदुरहर्ष आदिपिं कथहनं दँना च्चँनिइ । जुजु ज्ञानप्रजा अन विज्यायेवं महामि तयसं दँना हँनावँना तइ । कीर्तिलक्ष्मी छपात किस्ति ज्वंना दबुलिस थहां वँनाव जुजुया न्ह्यवने किस्ति तइ । किस्तिया दथुसं लाक्क धवो स्वांया छक्का व वया जवं खवं राजकली व कृष्णकली तया तवगु दइ । किस्तीस च्चंगु धवो स्वांया वास वया च्चँनिइ । थन व्याक्क ल्यासेतय सपतस धवो स्वां ल्यायम्हतय न्हायपनस राजकली व कृष्णकली थुकिया अर्थ छु ? धका धनवन्त काजियाके न्यँनिइ । कीर्तिलक्ष्मी थवगुहे थासस वँनाव च्चँनिइ । धनवन्त काजि ल्हाहापा जोरे याना “राजकल्ली राज्यया प्रतिक कृष्णकल्ली साहसया अले छलपोल याके च्चंगु धवो स्वां छलपोलया धर्मपत्नीया प्रतिक” धका काजि मुसुक्क न्ह्लिइ । अले वया दथुस ल्हाहापा जोरे यानाव मानवीरं “महाराज, ज्या भोल न्ह्याके जिलला” धका विन्तियाइ । जुजुं या ! धका उजं दयेकिइ ।

“थउँ थ्व किपु देसया ल्यासे ल्यायम्ह पुचलयागु धनुक वाणया ब्वज्यास न्हाप जुउम्ह फुक्कसियातं कथहनं जुजु ज्ञानप्रजाया ल्हाहातं सिरपाल लव ल्हाना बिज्याइ । “दक्क सिवय न्हाप लाम्ह मयजु कीर्तिलक्ष्मी थन दबुलिस भासँ ।” धका धाइ । अले मयजु कीर्तिलक्ष्मी मुसुक्क न्हिला दबुलिस थहां वँनाव जुजु या न्ह्यवने च्चँनिइ । जुजुं खोन्दा लवल्हाइ कीर्तिलक्ष्मीयात । कीर्तिलक्ष्मी खोन्दा ल्होना सकल जन समुहयात क्यँनिइ । अनया मिसा पुचल लापा थाथां तितिं न्हुया लसताइ । ल्यायम्ह पुचल क्व छुना च्चँनिइ । “आव न्हापायां लिउ जुउम्ह वीरनर सिंह दबुलिस भासँ” धका धाइ । दबुलिस वीरनरसिंहं थ्यँनेवं जुजुं वयात ल्हाहा ज्वंना हँनावँना तया निकु हाकलगु खोन्दा लव ल्हाना बिज्याइ । अनया ल्यासे पुचल व ल्यायम्ह पुचलं नं लापा थाना स्वागत याना क्यँनिइ । अनया मिजं पुचलं थें मिसा पुचलं भेद क्यँनिइ मखु । अले वया लिपा लियालिउ जुइम्ह निसें फ़िम्हम्ह जुउगु तक यातनं जुजुं सिरपाल इना बिज्याइ । उगुहे तालं लापा थाना सकलसिनं लस्ता प्वंकइ । अले जुजु थवगु थासे तुं च्वं बिज्याइ । आव कार्यक्रम अनुसार

व्यवहारिक जीवन न्ह्याकेत मदयेकं मगा:गु शिक्षा

नास: (न्वचू उद्घोष व एफ एम संचालन कला)

ध्यान विइमा:गु खँ :-

थ:म्हं छु न्वंवायेगु वा छु खँ कनेगु धका: बिचा: याना वनागु ख: व हे खँ नाप नापं बिचा: थ:सिवें न्ह्य:याम्ह वक्तां न्हापा हे न्वंवादीफु ।

अज्व:गु अवस्थाय् थ: तसकं सचेत जुया न्हापा न्वंवानादीम्ह वक्ताया शैलीसिवें फरक जुइक व्यवहारिक नापं रोचक कथं खँ न्ह्यथनेमा: ।

थ:म्हं बिचा: याना वयागु अर्थात थ:गु नुग: खँ न्हापायाम्ह वक्तां न्वंवानदी धुंकल धका: अन सहभागीपिन्सं थ:गु खँय् ध्यान बिइमखु धका:

थुइकेमा: । उकिं थ:गु शैलीयात पाका: न्वंवायेमा: ।

थ:के कविता दुसा कवितापाखें वा उखान वा बाखं छुं सान्दर्भीक जूगु उकियत न्ह्य:ने न्ह्यब्वया न्वंवानादिल धा:सां उकिं बांला:गु प्रभाव लाइ धका: थुइकेमा: ।

थ: वक्ता जुया वनागु धइगु मेपिनिगु खँ न्यनान इमिगु खँयात समर्थन यायेगु वा विरोध यायेगु अले निष्कर्ष पिकायेगु नितिं मखु थ:गु हे खँ वा बिचा: न्ह्यब्वया सहभागी जूपिन्त प्रभाव लाकेगु, थुइकेगु नापं मेपिनिगुसिवें फरक जूसां

नं थ:गु बिचा: तयेगु नितिं हे ख: धका: थुइकेमा: ।

उगु इलय् थ: छम्ह उद्घोषक थें माध्यस्थताया भूमिका निर्वाह यायेत वनेगु मखु धका: न्हापा हे स्पष्ट जुया वनेमा: ।

वरु अन व:गु खँयात नं ध्यान बिया थ:गु नुग:खँ स्पष्ट रुपं तयेगु तयारीका साथ वनेमा: ।

न्वंवायेगु चीहाक: यायेमा: छुं नं ज्याभ्वलय् न्वंवायेगु धइगु फयां फत्तले चीहाक: हे यायेमा: । खँ क्वचायेके मसलकी अले मा:गु खँ तये मसलकी नं

भन भन ता:हाक: जुया वनेफु ।

खँ चीहाकलं तयेगु उलि अ:पुगु विषय धा:सा पक्कां हे मखु । ज्याभ्वलय् न्हूगु खँ अले कनेमा:गु खँ खास हे ता: हाक: जुइमखु वरु उकियात ब्याख्या यात धा:सा जक ता:हाक: जुइगु ख: धका: थुइकेमा: ।

ब्यख्या याये हे मा:गु अवस्था जुल धा:सां असान्दर्भीक विषययात दुध्याकेगु याये मजिउ । उकिं वास्तवय् भाषण ई गुलि चीहाक: जुल उलि हे मन्तयसं ययेकी । अले बांला: नं तायेकी ।

दक्कले न्हाप जुउम्ह कीर्तिलक्ष्मी छुं नुवाना दिइ धका मानवीरं धायेव कीर्तिलक्ष्मी दँना दबुलिं च्चंना किपु देसया हृदय सम्राट जुजु ज्ञान प्रजायात जिगु दुनुर्लनिसें दण्डवत अले थन भाया दिइपिं आज्ञा अजि ल्यासे ल्यायम्ह व काजिपितं जिं अनि याये धका छँल क्वछुना अभिवादन याइ ।

थउँजिमखु, छम्ह मिसा न्हाप जुयाव व मिसां न्हापांगु सिरपाल त्याकल । व सिरपाल कागुलिं थनया मिजंत लयमताल थिमिसं लापा नं मथा । उकिं जि मिजंम्ह जुउगुसा लापा थाइगु जुइ उकिं आव जि मिजं जुये धक्का तपुलिं पुया क्यंना वियेधायेवं अन पार्रर लापा थाना लस्ता प्वंकइ ।

थन मिसा जक मखु मिजं नं न्हापायाँलिउया सिरपाल का वेलस थनया ब्याक्क मिसा तयसं लापा थाका सम्मान यागु क्यंना विल । उकिं याना छुं धाये मावगु मदुसां जित:ला छ्कोल धाये हे मास्ति वल । थनया मिजं नुगलपा स्वया मिसा तयगु नुगलपा तवपा “थ्व खँ धाये मजिउगु धायेधुन ।” छाय्घालसा थ्व किपु देसया थन च्चँनिइपिं मिजंत (जवगु ल्हाहा धस्वाका) जवगु ल्हाहा खवसा, खवगु ल्हाहा मिसा नं खर्वनि खव ल्हाहा क्यंना) । हानं भी मां(बउ, मिसा व मिज खँनिइ । थ्व निता मदया छ्ता जक दुगुसा थ्व मनुख समाज तँना वँने धुंकल जुइ ।

उमा(महेश्वर निम्ह जुया नं छम्ह हे खव (क्वाच्वस ल्हाहा ब्वयेका) । अथें हे तुं स्वये वेलस निम्ह तर मिसा मिजं छम्ह हे खव । मिसा मिजं मदुगु छैं, छैं मखु । मनुख मदुगु मसान जुइ । उकिं सुद्यौ छिर्कीपिं खवसा जिपिं निभाल । निभाल मदयेकं सुद्यौ दइ मखु, सुद्यौ मदयेकं निभाल नं त्वइ मखु । थनया मिसापितं व मेथासया मिसापितं छगोल हे मिखां स्वये मजिउ । थनया मिसा, मिसा थें जुइ मखु मिजं थें जुइ, अले पुवाचा जक ज्वँनिइ मखु कुलि ज्वंना वुँ पालिइ । कुलि व तकुलि मिजंतयसं थें तुं ज्वंना वुँज्या मिजं तयसं थें तुं याइ । आव थ्व देसस सुनानं नं कूमिखां स्वत धालसा वयात ल्वापा जक मखु खोन्दा ल्हौनेत नं लिचिलिइ मखु । धनुक वान ल्हँवनेत नं ग्याइ मखु । “पुया तवगु तपुलि त्वया ल्हाहापा जोजोलपाव हे बाघ भैरव ! हे इन्द्रायनी ! आव जुइगु परिक्षणस मिसा मखु, मिजं पिं हे सर्वश्रेष्ठ जुइमा । “तर छलपोलयात छत्वाचा खँ धाये । थवत थम्हंतुं दयेकेत कि जि मदु । कि समस्या मदु” धका समर्थन जुयेमा थ्व हे समस्याया समाधान जुइ । हनावँना मदुगु छैं जग मदुगु छैं थें तुं दुँना वँनिइ । उकिं हँनावना दयेका देशभक्त जुयाव किपु दौं क्वय् क्वय् मिखां स्वया च्चँने माव । सकसियां थकालि जुजु व थनया मां बउ, दाजु किजा तता केहें पिं ! जि नुगानागुलि गनं च्वय् क्वय् छुं जुउगु दुसा सपोल नं लिउने, बुद्धी नं लिउने लाम्ह मिसा धका क्षमा याना दिसं ।

“जय किपु देस जय बाघ भैरव !” धका थव थासे वँना च्चँनिइ । अले मानवीर बुलुहुं न्ह्यवने वयाव “खँ सुचकेगु धयागु सतित्वयात सुचुकेगु जुइ अन व नं तँना वँनिइ अले अनयागु आत्मा नं गना वँनिइ । कीर्तिलक्ष्मी थवगु नुगलपा उला क्यंगु वसलिं वसकलयात महादया मधासे मगा ।” तर, भीगु देसया आगं मेपितं क्यँने मजिउ, बहिद्यो जक ब्वया क्यँने जिउ । थ्व खँ नं थ्व देसस च्चँनिइ पिसं सिइकेमा । कीर्तिलक्ष्मी गम्भीर जुया क्वछुइ ।

जय बाघ भैरव ! जय किपु देस !

आव सभा क्वचाइ ।



श्रीकृष्ण महर्जन

ई सितिं मछ्वसे न्यागू निसें फ़िगू मिनेटया दुने थ:गु खँ क्वचायेके फत धा:सा तकसं बांला: । न्यागू मिनेटसिवें नं म्हो याये फत धा:सा भन हे बांलाइ । थ:त समिक्षा यायेगु, समालोचना यायेगु धका: क्व:छिनात:गु जूसां नं फयां फत्तले चीहाकलं हे क्वचायेकेमा: । अले छता हे खँ लिसा लिसा कया न्वंवाये मजिउ धका: नं थुइकेमा: ।

न्वचू कला क्वचाल मेगु वानिसें उदघोषण सम्बन्धि न्ह्यब्वयेगु जुइ ।

मन्तयग् जीवय् मदयेकं मगा:गु न्वचू कला धुंका:या खँ धइगु उद्घोषण ख: ।

छुं नं औपचारिक व अनापचारिक ज्याभ्व: यायेगु भ्वलय् उद्घोषकया त:धंगु ल्हा: दइ । उद्घोषक गुलि बांला: उलि हे कथं ज्याभ्व: नं बांलाइगु ख: । उकिं ज्याभ्वलय् उद्घोषकया भूमिकानिसें थीथी पक्षयात कया दुध्याका थुगु नास: अन्तर्गतया उद्घोषणया बारे न्ह्यब्वयेगु जुइ लं च्वनादिसं । कथंहं.....



ज्वजलपा सम्वाददाता/ मोहनी नख:या लसताय लाका औद्योगिक शान्ति नेपाल संस्था व नयाँ बजार क्लबलया मंका: ग्वासासालय किपुलिङ न्हापांगु कीर्तिपुर औद्योगिक सांस्कृतिक पर्यटन तथा व्यापार मेला २०७२ औपचारिक रुपं शनिवा: उद्घाटन जूगु दु । शुक्रवा:निसैं सुरु जूगु ख:सां शनिवा: बाघभैरव स्थाननिसैं च्याली पिकया मेला स्थल

शुक्रवा:निसैं मेला, शनिवा: औपचारिक रुपं उलेज्या

नयाँबजार खेलकूद मैदानय यैं जिल्ला निर्वाचन क्षेत्र नं. १० या सभासद् राजन केसी उलेज्या यादीगु ख: । न्हापांगु दिनय जुया ख:ला या पेट्रोलियम पदार्थया अभाव जुयाच्चलिं ख:ला आशा या:कथं सहभागीता म्हो जूगु खने दु ।

मेला दुने स्टलत यक्व दुसां नं शनिवा: खालीगु स्टलत नं यक्व हे खने दु ।



किपूया नयाँ बजार बाघभैरव लागाय थाहां वनेगु लैपुङ ला:गु मंगल उच्च माविया न्हय:ने लैं त:बाला जूगुलिं उगु लागा थौंकन्हय गाडी पार्किङ यायेगु थाय जुयाच्चंगु खने दु ।

कविता/चिनाखँ – विकृति

नाति महर्जन

च:चपा, पाँगा

भीगु देसय नक्कलि साधुत
यक्को खने दया बल
नाइक खँल्हाना हेका भीत
न्हु न्हुगु धर्म साल

निम्ह पेम्ह भक्त देका थुमिसं

धर्म प्रचार याके छोल

धर्मया पर्दा तोपुया भीत

ध्याचले न्यासिका तल

डाक्टर लंके मफुगु ल्वय लनि

सितकि तपेक स्वर्गे बनि धाल

जिमिगु धर्म वीपनी दु:ख जुइमखु धका:

मचा हेके थें हेका तल

खँजक सयेका नयाचोन इमिसं

सकसिनं भगवान धायका

निपा ख्वा: पुया कमाय यानाचोन

गरिवतेगु भाग नापं लाका

इमिसं भीत जादु तोना याना

अध विस्वासे लाका तल

छुं मस्यूपिं सोभापिनके

लुते याना हे काल

साधुतेत दान व्यूगु लिपा

थत हे दैगु ख धाल

हेकासितेसं भी सोभापिन्त

लखे मिखा कंका तल

धर्मया नाम लुते यायत

सप्ताह यज्ञ यायमा धाल

करोडौं धेवा ठगे याना

विदेशी बैंके तेयंकल

नाइक प्रवचन न्येंका भीत

मोहनि तथा तल

इमिसं न्ह्यागु धा:सां हे

मखु धाय मफेका तल

कपाले राम तिलक तिना

म्हुतु रामया नां कया जुल

न्ह्योने न्ह्योने म्हासुगु लैं फिना

बहनि बहनि सुलिं मेजु नापला जुल

पाप धर्म मनय मरुपिं भीपिं

इमि ल्यू ल्यू जुइमाल

इमिगु जाले तकेना थौं

थ:गु धर्म हे तोता हल

आजुपिन्सं केनावंगु धर्म तोता

न्हुन्हुगु धर्म लगे जुल

आ:ला यको मनूतसैं थ:गु

धर्म जक मखु संस्कार नं तोता हल

धर्म विकृती हया थुमिसं भीत

पथभ्रष्ट यायगु स्वल

नख: चख: माने याये मज्यू धका

भीगु संस्कार हे मदकेगु सोल ॥

भीगु संस्कृति भीगु धर्म

भीसैं तोते मज्यू

भीगु धर्म संस्कार तोता भीपिं

नेवा: धका गन ध:स्वायगु ॥

धर्म धैगु छु ख: धैगु

आतक भीसं मथुनिं

भीत अनुसासने तेत

चीनातगु सीप यात हे

धर्म धाइगु ख थें चों न्हैं ॥

भिगु लैं जुइपिन्त धर्मात्मा धाई

मभिगु लैंजुइपिन्त पापि

थोहे ज्ञान बियात:गु ला खनि

गीता वाईबल कुरान पतिं ॥

लोभ मोह हिंसा त्व:ता

पर उपकार याय सय्की

सकल प्राणीया जयजुइगु मन तुना

गरीब, अनाथतेगु सेवा यायेफेकि ॥

दुर्जन तेगु संगत तोता

सतसंगे वने सेकि

सुथे बहनि गवले इ दइ

ध्यान चोनेनं फेकि ॥

न्ह्यागु धर्म धा:सां आखिरे

परमात्मा वहे छम्ह

खालि भीसं माले मफया चोन

थगु आत्माया दुने चोम्ह ॥

चिबाखं—प्याखं

सौरभ शाक्य, खप

दबुली प्याखं क्यनाचन । दबू क्वय स्वकुर्मिपिं म्व: म्व: दु । चवनां चवनेथाय म्दु । दबू न्ह्य:ने फ्यतुनार्चिपिं, दबू तापाक दनार्चिपिं ध्वातु घ्वाना दबू खने दयेकेत स्वयाचन । उखें थुखें छेंया फलय् , दबू जख: फल्वाय् , देग:सी मनूत धिपासिपा च्वना दबू पाखे छयं ल्हवना ल्हवना: स्वयाचन । दबुलिङ गुवलें प्याखं ल्हगु क्यनी, गुवले संवाद ल्हा:गु ! मिखा फुतियाये मलायेवं हे प्याखंया लु मेकथं हिली । स्वकुमित हाली—“ताल र्व: ! सुर र्व: न अभिनय ! न डाइलग त्याजी ! आउट आउट, थजा:गु स:या क्वलाहल लकस धुपव: दनाचन । तापाक च्वपिसं दबुलिङ छु जूगु ! प्याखं क्यंगु कका ! प्याखं म्व:त थ:वं थ: ल्वा:गु ! न संवाद त्या:जी न हाउभाउ, छुं छुं हे सिङके मफू , अय्सां मनूतयगु मिखा दबू पाखे सालाचन । दबुलिङ प्याखं म्व:तयसं, स्वयाच्वपिसं आउट आउट धा:गु न च्यूता:मदु, हाहु या:गु न वास्ता मदु । स्वकुर्मिपिसं गोलभेरा, ध्वगीगु खेंयनं, भ्वाथ: लाकामं क्ययेकेगु नं सुरु जुल । प्याखंम्व:तयसं कयेका ह:गु न्हिला:न्हिला: त्याप्प त्याप्प लानाचन मानौं थथे जूगु हे इमित न्ह्याइपूयाचन । शायद थ्वहे प्याखंया सफलता खना:चन ला !

स्वकुर्मिपिं य:कथं हा:थें हायेका, उमिसं नं उकथं हे प्याखं क्यनाचन, उकथं हे प्याखं ल्हयाचन । यक्व: थुकथं जुयेवं छम्ह: प्याखंम्व: माइक ज्वना:चिचाय् दना हाल—“थ्व प्याखं थथेहे ख: थ्व प्याखं छगू देश ख: देसय् थुकथं जुयाच्चंगु ख:जिपिं मू पात्र ,छिकपिं कोरस पात्र, कलाकार छिकपिं, कलाकार जिपिं, फुकक फुकक लथालिङ, प्याखं भताभुङ । थ्व थौंया देशया अवस्था । थ्व प्याखं थुकथं क्वमचासैं सिधइ ।” पर्दा ह्वारर तित ।

तपाईको टोलमा भएका घटना कीर्तिपुरको समाचार बनाउने हो भने तपाई एक कल फोन गर्नुस् हामी तपाईको टोलको समाचार कीर्तिपुरको समाचार बनाईदिनेछौं

कीर्तिपुरको
चित्रण



किपुलिं पिदनाच्चंगु कीर्तिपुर सन्देश वा:पौ व ज्वज्वलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वज्वलपा वा:पतिइ छिगू चिनाखँ/बाखं/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वज्वलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७, ९८४१७६८१४३ ई-मेल : jwojalapaweekly@gmail.com